



Broj: 04-2-3299/19
Sarajevo, 10.09.2019. godine

Predmet: Informacija o Metodologiji za određivanje ključnih funkcija u banci

Agencija za bankarstvo Federacije Bosne i Hercegovine (u daljem tekstu: Agencija) usvojila je 09.04.2019. godine Metodologiju za određivanje ključnih funkcija u banci (u daljem tekstu: Metodologija). Cilj donošenja Metodologije je određivanje ključnih funkcija u bankama na ujednačen i metodološki definisan postupak, kako bi iste bile pravilno određene u planovima restrukturiranja banke i/ili bankarske grupe te utvrdila njihova značajnost za funkcionisanje bankarskog sistema.

Ovim aktom Agencija bankama pruža informacije o najvažnijim aspektima postupka određivanja ključnih funkcija, koji se provodi na osnovu Metodologije, i to informacije o:

- 1) obimu procjene odnosno podjeli funkcija koje podliježu procjeni,
- 2) postupku određivanja ključnih funkcija za potrebe restrukturiranja.

Obim procjene odnosno podjela funkcija koje podliježu procjeni

Metodologijom su definirane ekonomske funkcije koje podliježu postupku procjenjivanja ključnosti, uzimajući u obzir veličinu i strukturu bankarskog sistema, te veličinu i strukturu tržišta. Ekonomske funkcije koje podliježu procjeni su:

- 1) depozitno poslovanje,
- 2) kreditno poslovanje,
- 3) platni promet
- 4) investicijske usluge i
- 5) aktivnosti na novčanom tržištu.

Funkcije koje se procjenjuju u okviru ekonomskih funkcija depozitno poslovanje, kreditno poslovanje i platni promet definisane su po vrsti klijenata kojima se ta funkcija pruža, odnosno prema sektorskoj strukturi i odnose se na:

- a) građane,
- b) nefinansijska društva - privatna preduzeća i društva i javna preduzeća,
- c) opću državu - vladine institucije,
- d) finansijske institucije - bankarske institucije i nebankarske finansijske institucije,
- e) neprofitne organizacije,
- f) poslovanje sa stranim osobama - nerezidenti.

Funkcije koje se procjenjuju u okviru ekonomske funkcije investicijske usluge definisane su po vrsti usluge i/ili aktivnosti i odnose se na:

- a) brokersko poslovanje,
- b) upravljanje portfeljem,
- c) skrbništvo,

- d) usluge depozitara investicijskim i mirovinskim fondovima,
- e) agentura i pokroviteljstvo.

Funkcije koje se procjenjuju u okviru ekonomske funkcije aktivnosti na novčanom tržištu definisane su po vrsti usluge i/ili aktivnosti i odnose se na:

- a) trgovanje depozitima – krediti za likvidnost,
- b) repo i buy/sell back transakcije,
- c) trgovanje vrijednosnim papirima.

Postupak određivanja ključnih funkcija za potrebe restrukturiranja

Postupak određivanja ključnih funkcija provodi se jednom godišnje na osnovu revidiranih godišnjih finansijskih izvještaja koje banke dostavljaju Agenciji i na osnovu njih dostavljenih izvještaja propisanih Odlukom o podacima i informacijama koji se dostavljaju Agenciji za bankarstvo Federacije Bosne i Hercegovine za potrebe izrade i ažuriranja plana restrukturiranja banke i bankarske grupe, sačinjenih na finansijski datum 31.12. prethodne godine kao i drugih podataka do kojih Agencija dolazi u okviru svog djelovanja.

Metodologija podrazumijeva određivanje ključnih funkcija za banku na pojedinačnoj osnovi.

Postupak određivanja ključnih funkcija odnosno procjenjivanja ključnosti funkcije podrazumijeva provođenje procjene uticaja prekida pružanja funkcije i procjene zamjenjivosti funkcija na osnovu relevantnih kvantitativnih pokazatelja (npr. veličina, broj klijenata, broj aktivnih transakcijskih računa, tržišni udjeli, rangovi) i kvalitativnih obilježja pojedinih funkcija (npr. standardiziranost, povezanost s drugim funkcijama).

Faze procjene ključnosti funkcija sadrže obilježja/pokazatelje vazane za banku i obilježja/pokazatelje vezane za funkciju.

Za svako pojedino obilježje/pokazatelj određeni su rasponi vrijednosti u odnosu na veličinu i strukturu bankarskog sistema.

Za svaki raspon vrijednosti pojedinog obilježja/pokazatelja određen je indikator uticaja i/ili zamjenjivosti, te vrijednost pondera njegove važnosti u ukupnoj procjeni, čijim množenjem se dobije ocjena za svako obilježje/pokazatelj.

Zbirom dobijenih ocjena za svako obilježje/pokazatelj, dobije se ocjena procjene uticaja prekida funkcije, odnosno ocjena procjene zamjenjivosti funkcije.

Metodologija predviđa da na rezultat procjene mogu uticati i specifičnosti banke ili specifičnosti tržišta funkcija banke. Pod specifičnostima banke ili specifičnostima tržišta funkcija banke, između ostalog, podrazumijeva se slijedeće: poslovni model banke, organizaciona struktura, povezanost određene funkcije s ostalim funkcijama koje banka ili grupa pruža, ponuda specifičnih proizvoda, okolnosti ili situacija koja utječe na zamjenjivost funkcije i sl.

Rezultati procjene utjecaja i procjene zamjenjivosti funkcija pojedine banke mogu biti sljedeći:

- 1) funkcija je ključna
- 2) funkcija nije ključna.

